

UNIDADE 4: A ARTE GÓTICA. RESUMO:

1.CONTEXTO HISTÓRICO:

- Cambios económicos políticos e sociais.:Auxe da economía e das relacións comerciais: revitalización das cidades e aparición da burguesía. Ruptura co marco de relacións feudais.
- Predominio ideolóxico e social da igrexa. Xorden as ordes mendicantes.
- Cambios no pensamento teolóxico: aparición de Escolas catedralicias e Universidades: recuperación do aristotelismo, e visión positiva da natureza e da humanidade.
- Arte gótica como expresión dos cambios políticos, económicos e sociais: arte predominante urbana, naturalista e humanizada.
- Cronoloxía e difusión da arte gótica: mediados do XII ata o século XV.

2. A ARQUITECTURA GÓTICA.

2.1.Os mosteiros cistercienses

- O Císter xurde na zona da Borgoña no tránsito da arte románica á Gótica
- Concepción estética, baseada na austeridade construtiva e ornamental, orixinando interiores con volumes nítidos, diáfanos e proporcionados.
- Na segunda metade do século XII e a primeira metade do XIII difúndense por Europa Occidental solucións técnicas góticas: bóvedas de cruzaría e os arcos apuntados.
- En Galicia as igrexas do Císter terán esquema de planta de cruz latina con tres naves lonxitudinais,nave de cruceiro, e cabeceira con testeiro cuadrangular; ou ben planta basilical de tres naves, e cabeceira con ábsidas semicirculares ao exterior. Predomina a bóveda de canón apuntada e a bóveda de cruzaría nalgúns partes. Influencia da catedral de Santiago.
- Obras: Abadía de *Fontenay*, e *Pontigny*, . En Galicia *Mosteiros de Oseira*, *Sobrado dos Monxes* , *Melón*

2.2. O sistema construtivo: a catedral gótica e outras tipoloxías urbanas.

- Edificio máis representativo da arquitectura gótica: a Catedral.
- Cambios técnicos: sistema de tres elementos configurarán a estrutura: **arco apuntado**, **bóveda de cruzaría** e o **sistema de contrarresto de presións**.
 - O arco apuntado. Permite maior elevación do edificio. Dende o século XIV o arco conopial, o *escorzano* e o *carpanel*.
 - A bóveda de cruzaría para as cubertas que permite alixeirar o muro; orixina *bóvedas sexpartitas*, *bóvedas de terceletes* (dende mediados do século XIII) ou *bóvedas estreladas* no século XV.
 - Soportes: piares cilíndricos, *baquetóns*.. Sistema de contrarresto das presións das cubertas e os piares: *arcobotantes*, transmiten os empuxes aos contrafortes. Os muros substitúense por vidreiras.
 - Alzados:nave central medra en altura:. Aparecen triforios e clarestorios.
 - Plantas: grandes dimensións: plantas basilicais cabeceiras moi desenvolvidas, deambulatorios e capelas radiais poligonais ou circulares.
 - Exteriores : verticalidade: *agullas*, *gabletes*, *pináculos*, *rosetóns*. As fachadas con decoración escultórica: portadas monumentais, e *galerías caladas*...
- Cambios na concepción estética: **estética da luz**: luz filtrada a través das vidreiras desmaterializa as formas; simbolismo: catedral gótica imaxe da Xerusalem celestial
- As ordes mendicantes** (Franciscanos e dominicos) constrúen igrexas urbanas sinxelas: grandes dimensións, naves cubertas con madeira e bóvedas nervadas e ventás nas cabeceiras . muros como soporte das cubertas e poucos vans .Ao exterior contrafortes.
- A arquitectura civil** , de carácter urbano,no Norte de Italia,Países Baixos,e na Coroa de Aragón, da man da burguesía. Novas tipoloxías: pazos urbanos, hospitais, lonxas, mercados, concellos...

2.3. Arquitectura gótica en Europa

Focos	Períodos	Características	Obras
Francia	Gótico temperán (2ª/2 séc.XII) Gótico clásico (1ª/2séc XIII) Gótico Radiante (2ª/2sécXIII-XIV) Gótico flamíxero (século XV)	-Xurde o estilo na Abadía de Saint Denis -Tendencia á verticalidade. -Progresiva substitución dos muros por vidreiras -Evolución cara un maior refinamento e énfase decorativo nos exteriores e nas bóvedas. -Grandes dimensións dos edificios.	<i>Catedral de Chartres</i> <i>Catedral de Reims</i> <i>Catedral de Amiens</i> <i>Notre. Dame de París</i> <i>Sainte Chapelle de París</i> <i>Catedral de Tours</i>
Inglaterra	<i>Early English</i> (séc XII-com.XIII) <i>gótico decorativo</i> (2ª metade séc.XIII-XIV.) <i>Gótico perpendicular</i> (mediados séc XIV – XVI)	-Plantas de gran lonxitude, con cabeceiras planas e dobre transepto. -Grosos soporte, e torres lanterna. -Tendencia á horizontalidade -Profusión decorativa: liñas curvas, arcos conopiais, bóvedas de abano no gótico decorativo e tendencia á verticalidade e a complicación das bóvedas no perpendicular,	<i>Catedral de Canterbury</i> <i>Catedral de Well</i> <i>King's College da</i> <i>Universidade de</i> <i>Cambridge</i>
Centroeuropa	Século XIII.Séc XVI:	-Gran altura das catedrais -Agullas caladas de remate de fachadas - Profusión decorativa nas fachadas	<i>Catedral de Colonia</i> <i>Estrasburgo</i>
Países Baixos	Séc. XIII-XV	-Auxe da arquitectura civil: concellos, lonxas.. -Énfase decorativo: ornamentación dos exteriores - Edificios civís con altas torres.	Concello de Bruxas Lonxa de Ypres Catedral de Lovaina.
Italia	Séc.XIII-XV	-Gótico Mediterráneo ou Horizontal grandes dimensións, menor altura, , cubertas de bóveda de cruzaría simple e madeira, fachadas con mosaicos e mármore de cores - Arquitectura civil (palacios)	<i>Basílica de san francisco de Asís</i> <i>Santa María Novella, en Florencia</i> <i>Catedral de Milán</i> <i>Palacio Ducal de Venecia,</i> <i>Palacio Comunal de Siena</i> <i>Signoría de Florencia</i>

3. AS ARTES PLÁSTICAS:

-Xiro no pensamento cristián valoración do home e a natureza;repercusións na arte: naturalismo e humanización das representacións.

-**Novos temas** : humanización das personaxes sagradas. *Cristo*(máis humano, escenas da súa vida).Temas marianos, vidas de Santos, retrato, temas profanos

-Imaxes máis naturalistas e **realistas**, menos simbólicas; **volume**, proporcións reais nun espazo real, **expresividade**; atención aos detalles

3.2. Escultura.

a) Características xerais.

-Naturalismo que evoluciona a realismo. Progresiva independencia do marco arquitectónico, achegándose ao vulto redondo.

-Evolución cara unha maior perfección técnica,: proporcións dos corpos, realismo no rostros, roupas, no movemento das figuras, expresividade..

-Materiais: pedra; madeira o mármore e o alabastro . Uso da policromía.

-Tipoloxías :A escultura monumental nas fachadas. Portada grandes, e abucinadas, o tímpano acolle o tema principal ; xambas colócanse estatuas de apóstolos e profetas a modo *estatuas-columna* e no parteluz a Virxe, ou santos; retablos; escultura funeraria.nas capelas das catedrais; escultura exenta (Virxe co Neno) e o Cristo crucificado.

b)Etapas, focos e evolución.

Na Segunda metade do século XII

- Busca de movemento e naturalismo. figuras das xambas(estatuas-columna) e arquivoltas.
- Carácter narrativo das representacións,expresividade e individualización dos rostros.
- Francia :*Pórtico Real de Chartres*, de 1150 *Portada de Nôtre Dame de París*

No século XIII

- Grandes portadas esculpidas das catedrais: forte carácter narrativo, función didáctica.
- Maior naturalismo: rostros expresivos; actitudes movidas; naturalismo idealizado,
- Figuras gañan en independencia do marco arquitectónico (estatuas-columna); sensación de volume e movemento.
- Francia: *Portadas do Cruceiro da Catedral de Chartres*, Nôtre Dame de París, *Portada Occidental de Amiens.*, *Fachada occidental da catedral de Reims.*
- Alemania : *Estrasburgo*,escultura moi estilizada e delicada; grande intensidade dramática.
- Italia Influencia da tradición clásica e o gótico francés. Taller dos **Pisano**: *Púlpito da catedral de Siena*, *Púlpito da Catedral de Pisa*, *portas de bronce do Baptisterio de Florencia.*

No séculos XIV e XV

- Tipoloxías:Capelas funerarias, sepulcros, retablos, e escultura exenta,
- A escultura libérase do marco arquitectónico, adquire movemento e aumenta en realismo e expresividade;
- .-Área de Flandres e de Borgoña, a finais do XIV traballa **Claus Sluter** realiza o famoso *Pozo de Moisés*
- En Borgoña, Flandres e a Península Ibérica, no XV Preciosismo técnico, atención aos detalles e aos elementos decorativos. Pregues angulosos e rica policromía
- Interese polo retrato,temáticas patéticas.

3.3. Pintura.

- Técnicas e tipoloxías: Pintura mural(fresco), táboa (témpera), vidreira, miniatura...
- Tendencia ao naturalismo;humanización das personaxes, expresividade..
- Etapas:

1. Gótico lineal ou estilo franco-gótico (finais do século XII-século XIII).

- Francia e área de influencia do gótico francés. .
- Uso da liña para contornos
- Tintas planas, cores fortes, primarias, sen volume. Fondos monocromos.
- Vidreiras** francesas de *Chartres*, *Reims*, *Sainte Chapelle de París*. *Catedral de León*.
- Miniaturas** de Códices, biblias ou salterios: *Salterio de San Luís*, *Cantigas de Santa María*.

2. Estilo Italo Gótico ou Trecento italiano.(século XIV)

A Escola de Florencia, na que destaca **Giotto**:

- Temática relixiosa, naturalismo,sentimentalidade
- Relación psicolóxica entre as figuras, xestualidade nas mans e rostros.
- Espazo real: paisaxes urbanas ou rurais, crean a ilusión de profundidade espacial.
- Corpos naturalistas, volume: uso do modelado, e efectos de luz e sombra.
- Obras frescos da *Basílica Superior de Asís*, *da Capela Scrovegni de Padua*
- Na Escola de Siena os discípulos de Duccio, e *Simone Martini*
- Influencia florentina: perspectiva,
- Uso decorativista da liña e da cor,cores brillantes, fondos dourados, composicións delicadas, elegantes e amables,
- Evolución cara ao naturalismo nas representacións. *A Anunciación*
- Obras : *A Anunciación* (Simone Martini)e *a Maestá* (Duccio).

3. O Estilo Internacional.(Finais séc. XIV-XV)

- Obras refinadas e elegantes,cun marcado carácter cortesán:
- Figuras estilizadas e curvilíneas.
- Cores brillantes e intensas, ás veces irreais; sentido decorativo e simbólico.
- Paisaxes e arquitecturas como fondo das representacións
- Temas relixioso tratados de maneira amable, e escenas cotiás.
- Obras; *As Ricas Horas do Duque de Berry*,dos *Irmáns Limburg*

4. O GÓTICO ESPAÑOL.

-Cronoloxía: segunda metade do século XII ata o primeiro terzo do século XVI

-Diferenzas artísticas na Coroa de Castela (influencia gótico francés, borgoñón e falmenco) e Coroa de Aragón (gótico Mediterráneo)

4.1.A Arquitectura.

-**Século XIII**, en Castela *Catedrais de Toledo, Burgos e León.*, seguindo modelos do gótico francés.

-No **século XIV**, Coroa de Aragón, *catedrais de Barcelona, Palma de Mallorca*., dentro do *Gótico Mediterráneo*. Arquitectura civil: *Atarazanas de Barcelona*, ou as *Lonxas Valencia* ou *Palma de Mallorca*, (século XV)

-No **século XV** , na Coroa de Castela, *estilo hispano-flamenco* :exuberante decoración (bóvedas de terceletes, arcos conopieais)...; **Xoán de Colonia** (*agullas da catedral de Burgos, Cartuxa de Miraflores*);; **Simón de Colonia** (*Capela do Condestable na Catedral de Burgos.*)

En **Galicia** *Portada Occidental da Catedral de Tui* (fachada)e arquitectura mendicante. *San Francisco de Betanzos*, ou *Santo Domingo de Santiago*, -

4.2: Escultura.

-**Século XIII**: Portadas monumentais na Coroa de Castela (*Porta do Sarmental* da Catedral de Burgos, *Fachada Occidental da Catedral de León*)

-No **século XIV** escultura funeraria, onde se acentuará o carácter realista(*Sepulcro de Fernán Pérez de Andrade*, en *Betanzos*)

-**Século XV**: influencia escultura borgoñona e flamenga na Coroa de Castela ;perfección técnica e riqueza decorativa. **Juan Guas**(esculturas do *mosteiro de San Juan de Los Reyes*, en Toledo), **Gil deSilóe** (Tumba do Infante don Alfonso e o Sepulcro dos reis Xoán II e Isabel de Portugal, na Cartuja de Miraflores, e *retablo*) Na Coroa de Aragón, **retablos** (Pere Johan, *Retablo Mayor da Catedral de Zaragoza.*)

4.4.Pintura.

-Gótico Lineal: pinturas murais (Catedral Vella de Salamanca), vidreiras(*Catedral de León*,) e *as miniaturas*, no século XIII das *Cantigas de Santa María*.

-Século XIV: Influencia do *Trecento*: **Ferrer Bassa** (pinturas murais do Mosteiro de Pedralbes) e os **irmáns Serra** (retablos)

-A principios do século XV, *estilo Internacional* nos retablos pintados (Catedral de León, de Nicolás Francés) ou pinturas murais(presbiterio de Vilar de Donas, Lugo).

-Na segunda metade do século XV *influencia flamenga* deixarase sentir na obra de autores como **Bartolomé Bermejo**, **Luís Dalmau** ou **Fernando Gallego**.